



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuissimiè explicantur

Gavanti, Bartolommeo

Antverpiæ, 1646

De Festis Sanctorum mense Octobri. XII.

urn:nbn:de:hbz:466:1-40233

& Lectione quarta patet, & sequentiibus: & quia Dedicatio hæc in monte Gargano facta fuit in Michaëlis & Angelorum memoriam, ut expresse dicitur in Lectione sexta Festi Apparitionis die 8. Maij. Officium Missæ habetur in Antiphonario Gregoriano. Si occurrat hoc Festum in Dominica, conuenit, ut Octauæ Lectioni iungatur nona, quæ de Angelis agit. *andiamo 30. Hieronymi. In Sacramentario Gregoriano, cum diuersis tamen Orationibus Missæ. Ex Decreto Bonifacij VIII. Duplex. Pius V. mutauit Lectiones omnes.*

De Festis Sanctorum mense Octobri.

C A P. XII.

Festum Rosarij debet vbiq[ue] & perpetuò celebrari in ijs Ecclesijs, in quibus adest Altare seu Cappella Rosarij B. Virginis, Duplici maiori Officio in prima Dominicâ Octobris, quæ scilicet occurrit in Calendis, vel post Calendas, ex Decreto Gregorij XIII. die 1. Aprilis 1573. Officium recitant Bonoaienses de Natiuitate, mutato nomine in *Festinatis*. quod non improbamus. Certè melius, vt in Feste ad Nives, cum Lectionibus 2. Noct. de Natiuitate B. Virginis, mutato verbo *Natali* in *solemnitate*: minus enim cohærent Antiphonaæ & Responsoria Natiuitatis Feste Rosarij, quam Feste Visitationis & Præsentationis B. Virginis; & tamen hæc duo Festa non habent amplius Officium de Natiuitate, mutante Clemente VIII. in Officia quæ hodie habentur. Quibus autem placet Officium Natiuitatis, pro ijs verbis, *Hodie nata est*, dicere poterunt, *Hodie*

Festum est B. Virginis, sed verè dissotnat illud, ex progenie David, à voce Festi. Vide quæ diximus in primo Tomo par. 4. titulo 15. num. 22. pagina 291. Nota, quod in secundis Vesperis, si concurrant cum Angelis Custodibus, Vesperæ integræ erunt de beata Virgine, cum commemoratione Angelorum custodum. Habet enim Festum Rosarij integras, utrasque Vesperas; quia Gregorius celebrari voluit ritu Duplicis maioris, ut diximus: & ubi sic hoc Festum, legatur de eo in Martyrologio primo loco.

Occurrit non raro dies Octaua Titularis Ecclesiæ S. Michaëlis, S. Hieronymi, & aliorum, in Dominica 1. Octobris, in qua Rosarij Festum à Clero eiusdem Ecclesiæ fieri debet, Officiumque de eodem recitari. Et sicuti dies Octaua non potest transferri, ita neque videtur transferri debere Festum Rosarij, quod à die 7. Octobris in primam Dominicam eiusdem ex professo transtulit Gregorius XIII. ut Officio populus interhit, ex Bulla cit. *suprà*. Quodnam erit igitur Officium recitandum? consultus respondi, recitandum esse Officium de Rosario cum commemor. diei Octauæ, & Domin. 1. Octobris; tum quia, dum neutrum transferri potest, vt dixi, Festum Rosarij est Duplex, maius, Octaua verò Duplex minus: tum quia Festum Rosarij est Deiparæ: tum quia Festum est de præcepto uniuersalis Ecclesiæ, ex Bulla Gregorij; dies Octaua est de præcepto in particulari Ecclesia: tum quia sacra Rituum Congregatio in honorem B. Virginis decreuit, à Clero Regij fieri Festum Visitationis B. Virginis in die Octaua S. Prosperi Patrini loci, vt *suprà* scriplimus *Sect. 3. c. 12. num. 20.* licet potuisse, & debuisse ex

vi Rubricarum transferri Festum Visitacionis; at Rosarij Festum à Dominica non est dimouendum.

De Festo SS. Angelorum Custodum concessit Paulus V. 27. Septembri anno 1608. posse fieri Officium Duplex à se approbatum ad libitum Cleri, prima die non impedita Officio nouem Lectionum, post Festum Dedicationis sancti Michaëlis. Dixit Officio in titulo eiusdem Officii in editione Romana Egidij Spadæ anno 1612. ut intellegas, Festum Angelorum Custodum cedere debere Officio Dominicæ: & eò magis, quia si prima die, & in Dominica occurreret hòc Festum, in predictis Ecclesijs Rosarij, de Festo sanctissimi Rosarij, quod est nobilior, faciendum esset Officium. Item dies infra Octauam, puta sancti Hieronymi, vel sancti Michaëlis Archangeli, sicuti est Officio nouem Lectionum; ita excludit a tota Octaua Festum Angelorum Custodum.

Dices: In Decreto sacrae Congregationis Rituum dicitur, *Prima die non impedita Festo nouem Lectionum;* ergo non cedet Dominicæ. Relp. Eamdem sacram Congregationem declarasse, nomine Festi nouem Lectionum, etiam Dominicam intelligi, 12. Martij 1618.

Quæres adhuc: An Festum Angelorum Custodum sit Duplex maius, ita ut habere debeat vrasque Vespertas integras. Dicebam esse; tum quia in Rubricis generalibus de *Concurrentia Officii num. 2. in fine,* Festa Angelorum præponuntur Apostolis, hoc est, non modò Michaëlis, sed etiam Gabrielis, & Raphaelis, quæ apud multas Ecclesijs celebrantur, & à fortiori Angelorum omnium Custodum, quorum Festum colimus uno die; tum quia

Festum hoc videtur maius quam Apparitionis sancti Michaëlis, ex pluritate Angelorum Custodum: & quia in Apparitione miraculum tantum celebramus; in hoe autem Festo personas ipsas Angelicas & innumeratas vna simul honoramus. At Apparitionem esse Festum maius, & habere vrasque integras Vespertas, nemo non nouit: tum quia licet hoc Festum sit ad libitum; tamen posito, quòd recitare velimus Officium, ad Rubricas generales seruandas tenemur; sicuti Missam, quam non tenemur quotidie celebrare, si tamen celebras, iuxta Rubricas celebrare debes: tum denique quia, si sanctus Hieronymus amitteret eo casu vrasque Vespertas; etiam S. Gregorius Nazianenus eius praceptor amitteret primas Vespertas nobiliores secundis, nempe in secundis Vespbris Apparitionis. His tamen non obstantibus, & ritè consideratis, in gratiam S. Hieronymi, ne amittat vrasque Vespertas; & quia Festum Angelorum Custodum fuit concessum hui ex devotione, non ex præcepto, decreuit sacra Rituum Congregatio die secunda Octobris 1627. esse Duplex minus, & diuidere Vespertas cum sancto Hieronymo, & cum quocumque alio Duplice, si alicubi concurrat post primam diem Octobris. Lectiones primi Nocturni omittuntur, si legendum sit initium Esther.

Ad octauam Lectionem dicitur, *Quorum Festum colimus;* nam titulus, & Oratio est de pluribus, & vnuusquisque intendit venerari suum Angelum in Choro vna cum alijs. Qui solus recitat Officium, adhuc dicat, *Quorum Festum colimus, &c. non, Cuius Festum colimus, &c.* Quod postremum docuit recentior, minus aduertens, quòd vni

reci-

168 Comment. in Rubr. Breuiarij. Sect. VII. Cap. XII.

recitanti neque conuenit *colimus* in plurali, si verborum vim attendimus. Si fiat Officium prima die Octobris, octauæ Lectioni adiungerem nonam, quæ magis est propria Festi. Vbi fit hoc Officium in Lectione Martyrologij legatur primo loco de eodem.

1. Remigij. Dies est Translationis; obiit enim Idibus Ianuarij, ex Baron. in *Martyrolog.* Habetur Festum in Appendix Gregoriana, & in Concilio Moguntino cap. 36. Simplex in M.S. & 1550. In Hymno Vesper. mutatur tertius Versus.

4. Francisci. A Gregorio IX. 1228. dilatatur Festum à Sixto IV. 1472. in Missali Vaticano vol. 4743. Duplex in M.S. & 1550. Pius V. tenta Oratione, mutauit Officium antiquius, opera Fratrum Minorum in Breuiario positum, & auctoritate Nicolai III. approbatum, ut diximus cap. 1. huius Sectionis. In Lectione 6. legitur, quod S. Francisus in die Feste Exaltationis S. Crucis recepit sacra Stigmata; & in Lectione 4. Festi Stigmatum, ait S. Bonaventura, quod circa Festum Exaltationis id acciderit: non tamen pugnant inter se hi textus; quia tempore S. Bonaventuræ erat incertus dies, qui deinde fuit præcisè reuelatus. Lege Wadingum in Annal. Min. an. 1282. Festum sancti Francisci est de præcepto vbiique locorum, ex Decreto Sixti IV. ut indicat Silvester v. Dominica. num. 3. §. Sextum. vbi tamen ait, constitutionem illius non fuisse moribus vtentium approbatam. Sed rursus præcepit vbiique obseruari sacra Rituum Congregatio die 3. Ianuar. 1622. annuente sanctissimo: Decretumque originale ostendit mihi Io. Petrus Massarius meus, virtutum, doctrinæ, & fortunatum heres Iulij

Benigni Aduocati Consistorialis, Primarij & vniuersitatis tunc temporis in Gymnasio Romano Doctoris, Archiepiscopi Thessalonicensis, & S. Rituum Congregationis Secretarij, de Roma na Republica optimè meriti; cui & ego debeo plurimum, cum eius opera potissimum in album Consultorum eiusdem S. Congregationis relatus fuerim. Idemque Massarius publicari Decretum Romæ curauit in Tabela de consensu Maiorum edita anno 1631. Festorum vbiique obseruandorum, ex præcepto S. Romanæ Ecclesiæ; fauente Tegrimo Tegrimio, Domino meo, Episcopo Assisinate, & præfatae S. Rituum Congregationis à Secretis incomparabili viro, in gratiam sancti Patroni Assisianum. æquum est igitur, ut deinceps vbiique gentium obseruetur.

5. Placidi & Sociorum. In Breuiari. Vaticano volum. 4760. restituit Sixtus V. anno 1588. Simplex ab eodem. mutauit Orationem Clemens VIII. non dicitur Resp. *Hæc est vera fraternitas.* Vide infra Sectione 8. cap. 2. num. 9.

6. Brunonis. A Gregorio XV. die 17. Februario 1623. Semidupl. cum Officio ab eodem 6. Maij 1623. in lectione Martyrologij ponatur primo loco. si transferatur, mutatur in Hymno Vesp. tertius Versus.

7. Marci Papæ. In Antiphonar. & Sacramentario Gregor. à quo initium primæ Orationis, & ultimam Missæ Orationem habemus: omnes autem leguntur in Codice Pameliano.

SS. Sergij, &c. In Appendix Greg. Simplex in M.S. & 1550.

8. Birgittæ. A Gregor. XV. & 8. Aprilis 1623. approbatum est Officium cù ritu Semiduplici, Oratione, & Le-

gio-

ctionibus proprijs, Decreto S. Rituum Congregationis; recitandum quidem die 7. Octobris, in qua fuit illa canonizata, ut in Bulla Bonifacij IX. sed Urbanus VIII. ne Missa S. Marci Papæ in Missali deleretur, iussit hac die octaua, annuente Poloniæ Rege, celebrari Festum; in Polonia verò, ut prius, die septima. Cuius obitus contigit die 23. Iulij impedita Festa S. Apollinatis: unde & in Martyrologio quoque recognito translata est lectio de eadem in hanc diem Octobris octauam. Aeta sunt hæc anno 1628.

19. Dionysij, &c. quem Athanasij de Synod. Nicænae deer. appellat Theognostum. habetur de eodem in Antiphonar. Greg. sed post Gregorium, ex Pamelio; qui aut esse Gallicanum Officium: nam ortum habuit in Gallia à tempore Ludouici Pij, & Amalarij, ex Epist. Hilduni ad eundem. de generali consuetudine testatur Radulph. Propos. 17. Simplex in M. S. & 1550. Semidupl. apud Radulph. Quem ritum restituit Pius V. mutauit autem Euangelium cum Hom. Clemens VIII. Officium Missæ aliud est ab Antiphonario Gregoriano.

14. Callisti. In Sacramentario Gregor. cum omnibus Orationibus Missæ. Semidupl. ex Microl. cap. 43. Romæ tantum, ex Radulph. Propos. 22. Simplex in M. S. & 1550. Semiduplex Pius V. instituit ubique. Clemens VIII. mutauit Euangelium cum Homilia. Officium aliud est Missæ in Greg. Antiph.

18. Luca Euangelistæ. Martyr à S. Paulino ad Seuerum Epist. 12. reputatur. Metaphrastes in hoc Feste concionem habuit. In Sacramentario Greg. habetur cum omnibus Orationibus

Missæ; quarum prima est Ambrosiana. Decreto Bonif. VIII. est Duplex. à Pio V. Duplex secundæ classis.

21. Hilarionis. In Appendice Greg. Simplex in M. S. & 1550.

Vrsulæ, &c. In quinto saeculo, hoc est, anno 500. indictum esse Festum, ait Iac. Philip. Bergomens. citatus à Schultingio, in Missali Vaticano volum. 3808. Officium solemne proprium totum in Breuiar. 1550. Pius V. commemorationem decreuit. Si adit aliquis ex his Virginibus caput, aut insignis Reliquia, & nomen ignoretur, fiat de ea Officium Duplici ritu, sumpta Oratione De Communi in singulari, tacito illius nomine (quod fit in S. Callisto, & alijs) & fiat commemoratio S. Hilarionis, & SS. Vrsulæ & sociarum; nisi aliud à Maioribus concedatur, aut legitime prescribatur.

25. Chrysanthe & Dariae. In Appendice Gregoriana. Simplex in M. S. & 1550. Officium creditur compostum à Varino & Armeno fratribus ordinatis Presbyteris à sancto Stephano, qui Vitas eorum ad omnes Ecclesiæ direxerunt. Hæc Cornel. Schulting. Ex quibus facile coniçitur, Festum indictum esse quadragesimæ annis ante S. Gregorium.

26. Euaristi. In Missali Vatic. volum. 4743. Semid. ex Microl. cap. 43. Romæ tantum, ex Radul. Propos. 22. Simplex in M. S. & 1550.

27. Vigilia SS. Simonis & Iudeæ. Vide in Vigilia S. Andreæ. In Comite S. Hieronymi habetur Euangeliū, Homilia à Pio V. Missæ verò Officium in Antiphonar. & Sacramenter. Gregor.

28. Simonis & Iudeæ. Dicito ut de Feste S. Andreæ. Pius V. inno-

Y uauit

uauit Officium, Oratione excepta. Euangeliū idem, quod in Comite S. Hieron. Officium Missæ, ut in Antiphonario & Sacramentario Gregoriano. Si contingat eos diuidi, quia alter tantum Titularis est Eccleſie, iuxta Rubricam quæ habetur suprà Sect. 3. cap. 10. num. 11. tunc pro S. Simone legatur in primo Nocturno de Communi Apostol. reseruata Lect. Ep. Iudeæ eidem, qui est eiusdem auctor, ut Sect. 5. cap. 12. num. 15. pag. 86. signifi- cauimus. Vide quæ diximus in prima die Maij pag. 147. At quia Lectio quarta non potest diuidi, ea legatur in Festo Titularis, & iterum in Officio alterius translati, sicuti etiam Euangeliū cum Homilia. Lectiones quinta & sexta variari possunt, ut in Communi Apostolorum. Pro varianda Oratione sumi potest Oratio Vigiliae in numero singulari, & mutatis verbis, *præuenimus in celebramus, & præ- nenant in imploret*. sed in his casibus consule sacram Congregationem, ut aliquid proprium concedat.

31. Vigilia Omnia Sanctorum. In Antiphonario & Sacramentario Gregoriano habentur Orationes cum Officio Missæ; sed posterius est sancto Gregorio, ex Pamelio. Concilium Oxoniense & Beda meminerunt.

*De Festis Sanctorum mense
Novembri.*

C A P. X I I I.

OMNIA SANCTORUM. Ordo Romanus habet hæc verba notanda: *In Calen. Novemb. & per totum orbem plebs uniuersa, sicut in die Natalis Domini, ad Ecclesiam in honorem Omnia Sanctorum ad Missarum solemnia conuenire studeat;*

illud attendentes, ut quidquid humana fragilitas per ignorantiam aut negligētiam in solemnitatibus ac Vigiliis Sanctorum minus plenè peregerit, in hac obseruatione sancta soluatur. S. Cyprianus Epistola 34. docet, natalia Sanctorum annua celebranda esse cum Missæ Sacrificio; sed quia omnium Martyrum & aliorum non possunt singula celebrari (teste Eusebio citato à Beleth cap. 154. existimante, quotidie excedere numerum quinque millium) ideo Bonifacius IV. instituit Romæ Festum Omnia Sanctorum hac die: quod deinde alijs orbis Ecclesijs edixit Gregorius IV. anno 835. ex Sigeberto, & præsertim Gallis, & Germanis, ex Baronio in Annal. ad annum eundem. Neque vero est Sanctorum Martyrum tantum hoc Festum, verum etiam Confessorum, ut in Codice M. S. se legisse ait Baron. in Martyrolog. die 13. May. Habetur Festum in Sacramentario: solemne Festum in Ord. Romano. vnde Duplex primæ classis conuenienter fuit statutum. Officium à Gregorio IV. compositum esse, scribit Schultingius ex Beleth capite 127. Pius V. mutauit omnes Lectiones; sustulit primum Responsorium, & addidit octauum de Virginibus.

In secundo Nocturno, & per Octauam, legi iussit Sermonem accommodatum Festo, quem tribuebant aliij Augustino: quod est falsum, cùm ille obierit ante Bonifacium IV. alij Odoni Abbatij; de quo tamen unicum manuscriptum habemus testem in Vaticana Bibliotheca. Nominis Bedæ à Clemente VIII. iussiis est legi; quia inter eius Opera habetur, & vixit ille post Bonifacium IV. vnde & in postrema recognitione Breuiarij secuti